

畿輔通志卷二百

列傳八 唐一

唐

順天府

盧承慶

弟承業 承泰
從孫若虛

盧照隣

兄光乘

成三郎

王適

盧獻

盧粲

從父行嘉

張紹先

子懷瓘
懷瓌

盧輝

盧履冰

劉正臣

子全諒

張休

陳利貞

魯炅

李惟誠

弟惟簡
銖

李景畧

張南史

盧東美

劉忬

子濟

盧景亮

高崇文

子承簡

盧羣

蔡廷玉

劉濠

盧行簡

盧貽子於陵

盧殷

盧商

盧宏宣

盧眞

盧仝

賈島

王承元

張仲武

張允伸

劉蕢

李全忠

張液

盧獻卿

董相

保定府

齊齡孫抗

張興

許遠

耿偉

齊孝若

陽城

齊映

張濟

承德府

尙可孤

張孝忠

子茂昭 孫克讓
茂昭從子克儉

唐

順天府

盧承慶字子餘幽州涿人隋散騎常侍思道之孫父赤松爲河東令唐高祖兵興迎見霍邑拜行臺兵部郎中終率更令封范陽郡公承慶美儀矩博學有才幹少襲爵貞觀初爲秦州都督府戶曹參軍入奏河西軍事太宗偉其辯擢考功員外郎累遷民部侍郎問歷代戶版承慶叙夏商至周隋增損曲折甚悉帝嗟賞俄兼檢校兵部侍郎知五品選事辭曰選事在尙書臣掌之爲出位帝不許歷雍州別駕尙書左丞永徽時坐事貶簡州司馬閼歲改洪州長史拜汝州刺史入爲光祿大夫顯慶四年爲度支尙書仍同中書門下三品尋坐度支失所出爲潤州刺史再遷雍州長史加銀青光祿大夫

總章二年代李乾爲刑部尙書年老致仕加金紫光祿大夫

病卒臨終戒其子歛以常服晦朔無薦牲葬勿十日器用陶

漆棺而不槨墳高可識碑志著官號年月無用虛文贈幽州

都督諡曰定舊唐書初承慶典選校百官有坐漕舟溺者承慶

以失所載考中下示其人無愠色更曰非力所及考中中亦

不喜承慶嘉之曰寵辱不驚考中上其能著人善類此弟承

業承泰新唐書承業有學識貞觀末官至雍州長史檢校尙書

左丞坐承慶事左遷忠州刺史顯慶初復爲雍州刺史前後

皆有能名三遷左肅機兼掌司列選事賜爵魏縣子總章中

卒贈洛州刺史諡曰簡舊唐書承泰字齊卿謹案舊書云承泰

齊卿新書本傳及宰相世系表俱云長安初爲雍州參軍武

承泰字齊卿彼此互異今從新書舊書作后詔長史薛季昶舊書作薛季昶舊書作擇僚吏堪御史者季昶訪于承泰

承泰曰長安尉盧懷慎李休光萬年尉李父崔湜咸陽丞倪

若水蓋屋尉田崇璧

舊書作田崇辟

新豐尉崔日用季昶用其言後

皆爲通顯巨人

新唐書

開元初拜幽州

新書作幽州

刺史時張守珪

爲果毅承泰禮接之曰十年當知節度果如其言喜飲酒踰

斗不亂寬厚樂易士友以此親之終太子詹事廣陽縣公承

慶從孫藏用

舊唐書

藏用弟若虛多才博物隴西辛怡諫爲職

方有獲異鼠者豹首虎臆大如拳怡諫謂之鼯鼠而賦之若

虛曰非也此許所謂鼯鼠豹文而形小一坐驚服終起居郎

集賢院學士

新唐書

盧照隣字昇之幽州范陽人十歲從曹憲王義方授蒼雅及

經史博學善屬文初授鄧王府典籤

舊唐書

王以相如稱之調

新都尉以病去官居太白山得方士元明膏餌之會父喪疾

益甚客東龍門山裴瑾之韋方質范履冰等時時供衣藥而

照隣足竟攀一手又廢乃去具茨山買園數十畝疏潁水周

舍復豫爲墓偃卧其中照隣以高宗時尙吏而已獨儒武后

尙法而已獨黃老后封嵩山屢聘賢士而已獨廢著五悲文

以自明病旣久與親屬訣自沈潁水

新唐書

時年四十文集二

十卷

舊唐書

幽憂子三卷

辛文房唐才子傳

兄光乘亦知名長壽中爲

隴州刺史

舊唐書

成三郎幽州漁陽人光宅年爲左豹韜衛長上果毅李孝逸

之拒徐敬業以爲前鋒戰于高郵敗績被擒送江都賊黨唐

之奇給其衆曰此李孝逸也三郎大呼曰我是果毅成三郎

不是李孝逸官軍圍爾數重破在朝夕我死妻子受榮爾死

家口配沒之奇怒斬之敬業平贈左監門將軍諡曰勇

舊唐書

王適幽州人初見陳子昂感遇詩驚曰是必為海內文宗遂

請訂交

雍正舊志

武后時敕吏部糊名考選才俊適與劉憲司馬

錙梁載言俱入第二等官至雍州司功

舊唐書劉憲傳

盧獻范陽人父幼孫常州刺史獻有美才知名當世武后時

歷鸞臺侍郎文昌左丞天授中為酷吏來俊臣所陷左遷西

鄉令卒

涿州志

盧粲幽州范陽人後魏侍中陽烏五世孫祖彥卿善著書

新唐書

書

撰後魏紀二十卷行于時官至合肥令

舊唐書

粲始冠擢進

士第神龍中

舊書作景龍二年

累遷給事中時節愍太子立韋后疾

之諷中宗以衛府封物給東宮粲奏言太子匕鬯主歲時服

用宜取于百司周禮諸用財器歲終則會惟王及太子不會

今乃與諸王齊衡非所謂憲章古昔者詔可武崇訓死詔墓

視陵制

新唐書

梁奏曰伏尋陵之稱謂本屬皇王及儲君等自

皇家已來諸王及公主墓無稱陵者唯永泰公主承恩特葬
事越常途不合引以爲名春秋左氏傳云衛孫桓子與齊戰
衛新築大夫仲叔于奚救孫桓子桓子以免衛人賞之以邑
于奚辭請曲懸繁纓以朝許之仲尼聞之曰惜也不如多與
之邑唯名與器不可以假人若以假人與之政也政亡則國
從之聖人知微知章不可不慎魯王哀榮之典誠別承恩然
國之名器豈可妄假又瑩兆之稱不應假永泰公主爲名請
比貞觀已來諸王舊例足得豐厚帝曰安樂公主與永泰公
主無異同穴之義古今不殊魯王緣自特爲陵制不煩固執
梁又奏曰臣聞陵之稱謂施於尊極不屬王公已下且魯王
若欲論親等第則不親於雍王雍王之墓尙不稱陵魯王自

不可因尙公主而加號且君之舉事則載於方冊或稽之往
典或考自前朝臣厯檢貞觀已來駙馬墓無得稱陵者且君
人之禮服絕於傍期蓋爲不獨親其親不獨子其子陛下以
膝下之恩愛施及其夫贈賄之儀哀榮足備豈得使上下無
辨君臣一貫者哉又安樂公主承兩儀之澤履福祿之基指
南山以錫年仰北辰而永庇曾王之葬車服有章加等之儀
備有常數塋兆之稱不應假永泰公主爲名非所謂垂法將
來作則羣辟者也竟依粲所奏

舊唐書

主大怒出粲陳州刺史

粲曰苟所論得行雖遠何憚開元初爲祕書少監累封固安

縣侯終頌王傳諡曰景其從父行嘉仕爲雍王記室亦以學

聞

新唐書

張紹先涿人博學工書與高正臣有舊正臣與人書十五紙

紹先戲換五紙以示高高不能辨宋令文曰力則張勝態則
高強子懷瓘有文學善書開元中翰林院供奉著書斷三卷
評書藥石論古文大篆書祖各一卷書詒書議六體論用筆
十法等篇傳於世懷瓘亦善草隸官至翰林集賢兩院侍書

侍讀學士

涿州志

盧輝字子晃范陽人元宗時自尚書郎出守易州興利除害

人歌思之

涿州志

盧履冰幽州范陽人元魏都官尚書義僖五世孫開元五年
仕歷右補闕建言古者父在爲母葦徹靈而心喪武后始請
同父三年非是請如禮便元宗疑之又以舅嫂叔服未安并
下百官議刑部郎中田再思曰會禮之家比聚訟循古不必
是而行今未必非父在爲母三年高宗實行之著令已久何

必乖先帝之旨閔人子之情愛一朞服於其親使與伯叔母
姑姊妹同嫂叔舅甥服太宗實制之閱百年無異論不可改
履冰因言上元中父在爲母三年后雖請未用也逮垂拱始
行之至有祖父母在而子孫婦沒行服再朞不可謂宜禮文
子無專道故曰家無二尊父在爲母服朞統一尊也今不正
其失恐後世復有婦奪夫之敗不可不察書留未下履冰復
疏言父在爲母立几筵者一朞心喪者再朞父必三年而後
娶以達子之志夫聖人豈蔑情於所生固有意于天下昔武
后陰儲篡謀豫自光崇升朞齊抗斬袁俄而乘陵唐家以啟
釁階孝和僅得反正韋氏復出酖殺天子幾亡宗社故臣將
以正夫婦之綱非特母子間也議者或言降母服非詩所謂
罔極者而又與伯叔母姑姊妹等且齊斬已有升降則歲月

不容異也此迂生鄙儒未習先王之旨安足議夫禮故罔極者春秋祭祀以時思之謂君子有終身之憂何限一朞二朞服哉聖人之于禮必建中制使賢不肖共成文理而後釋彼伯叔姑姊烏有筵杖之制三年心喪乎母齊父斬不易之道也左散騎常侍元行沖議請據古爲適帝弗報七年乃下詔服紀一用古制自是父在者爲母服或朞而禫禫而釋心喪三年或朞而禫終三年或齊衰三年後履冰以官卒

新唐書

子

正已刑部尙書孫翰德宗時官吏部侍郎興元二年爲兵部侍郎同中書門下平章事貞元二年罷

涿州志

劉正臣初名客奴懷州武涉人以行戍留籍幽州之昌平從平盧軍以材力顯開元中室韋首領段普恪數苦邊節度使薛楚王使客奴單騎襲之斬首以歸超拜左驍衛將軍爲遊

奕使性謹樸數戰有功天寶末安祿山反詔以平盧節度副

使呂知誨爲使賊遣韓朝陽誘之知誨卽降害安東副都護

馬靈察客奴不平與諸將謀殺知誨遣使與安東將王元志

相聞十五載授柳城郡太守攝御史大夫平盧節度使賜名

正臣以元志爲安東副大都護

舊唐書

正臣遣使道悔至平原

與太守顏真卿相結真卿喜以子爲質而歸貲糧焉且請出

師未至真卿棄平原乃還因襲范陽爲史思明所敗奔還元

志猷殺之

新唐書

大厯九年追贈工部尙書子全諒本名逸淮

以父勲授別駕長史建中初事劉元佐爲牙將勇果善騎射

爲元佐厚禮累署都知兵馬使試太僕卿兼御史中丞元佐

卒子士甯代爲節度疑宋州刺史翟良佐不附已揚言行部

至遽以全諒代之

舊唐書

宣武軍留後陸長源爲叛軍所殺監

軍巨文珍密召全諒赴汴使知留後全諒至其夜軍復亂殺

大將及悍卒五百人乃定帝卽詔全諒以工部尙書爲宣武

軍節度使歷八月卒

新唐書

年四十九

舊唐書

贈尙書右僕射

新唐書

書

張休幽州范陽人曾祖汲易州長史祖選幽州固安縣丞父

價贈齊州司馬休起家石亭別將受命爲范陽節度安祿山

判官密言其戎狄不可厭狀累授衛尉卿洪州都督至任撤

帷幃薦褥之具二百餘物減俸錢稍食月十萬餘實于軍府

清訟獄飭農田平物價從政三日教大舉拜御史中丞廣州

刺史嶺南節度經略觀察等使

崔祐甫撰
遺愛碑

陳利貞幽州范陽人初爲平盧將安祿山亂從李光弼軍河

南張巡被圍睢陽光弼遣郝庭玉及利貞救之輕騎出人庭

玉稱爲勝己以子妻之及歸薦於光弼自行間累遷檢校太子賓客封靜戎郡王李希烈叛召哥舒曜東討利貞爲前鋒次邾城賊衆大集利貞出奇兵五百橫擣其右賊鋒詘數月不敢前及希烈攻曜襄城利貞登陴捍守七十日未嘗櫛沐非議事不下城朱泚反利貞及張廷芝所統士皆幽薊河隴人廷芝故與泚合謀而利貞麾下亦從爲亂夜半難作利貞拔劍當軍門大呼曰欲過門者先殺我衆畏其鋒乃止廷芝出奔德宗嘉之擢汝州防禦使貞元五年疽發首卒遣觀察使崔縱書自陳受國恩恨不得死所云

新唐書

魯炆幽州薊人

舊書作范陽人

身長七尺餘略通書史以蔭補左羽

林長上隴右節度使哥舒翰引爲別將從破石堡城收河曲遷左武衛將軍復以破吐蕃跳盪功除右領軍大將軍安祿

山反拜上洛太守將行於帝前畫攻守勢遷南陽太守兼守
捉防禦使封金鄉公尋爲山南節度使率兵五萬屯潞水南
賊將武令珣畢思琛等來擊衆欲戰旻不可賊右趨乘風縱
火鬱氣奔營士不可止負屍走賊矢如雨旻與中人薛道挺
身走舉衆沒賊旻收散兵保南陽潼關失守賊使哥舒翰招
下不從使武令珣攻之累月不克令珣死田承嗣繼往潁川
來瑱襄陽魏仲犀合兵援旻仲犀弟孟馴兵至明府橋望賊
走旻城中食將盡米斗五十千一鼠四百餓者相枕籍朝廷
遣曹日昇宣慰加旻太僕卿不得入日昇以十騎馳入城致
命復以騎趨襄陽領兵千由音聲道運糧餉旻故旻得與賊
相持踰三月旻被圍凡一年晝夜戰人至相食卒無救至德
二載五月乃率衆突圍走襄陽承嗣屠擊旻死戰二日斬獲

甚衆賊引去俄拜御史大夫襄鄧十州節度使時賊欲剽亂
江湖賴昺奮力扼其衝故南夏以完二京平賊走河北策勲
封岐國公實封二百戶乾元元年加淮西節度使鄧州刺史
與九節度圍安慶緒于相州昺領淮西襄陽兩鎮步卒萬人
騎三百明年與史思明戰安陽王師不利昺中流矢奔退諸
節度潰去所過剽奪而昺軍尤甚詔徙昺鄭陳毫節度使至
新鄭聞郭子儀整兵屯穀水李光弼還太原昺羞惴仰藥死
年五十七

新唐書

李惟誠本范陽城內屬奚隴西王寶臣之子惟岳異母兄也
以父蔭爲殿中丞累遷至檢校戶部員外郎

舊唐書

尚儒術謙

裕寶臣愛之使決軍事以惟岳正嫡固讓不肯當其妹妻李
納寶臣請惟誠復故姓而仕諸鄆爲納營田副使

新唐書

厯充